


Suliniummut nassuaat Ataa Lodge

Sumiiffiup inniminnigaanissaa pillugu qinnuteqaat



Suliniummut nassuaat

World of Greenlandip takornarianut immikkuullarisumik Ataa'ta eqqaani illuaraqarfiliornissaq kissaatigaa. Illuaraqarfik (lodge) World of Greenlandip neqeroorutigisariigaasa pitsaanerpaanik misigisassaqarfittut takornariartitsinerup iluani ingerlassamik ingerlatitseqqissaaq. Ataa Lodge Ilulissat illoqarfippiaanni takornariat artukkinerannik oqilisaqataassaaq, aammalu Ilulissat eqqaanni sumiiffimmi suliarisassanik neqeroorutit annertunerit pilersissavai. Suliarisat annertunerit Ilulissat eqqaanni sumiiffiusumi namminersortutut suliaqartuusunit angalaartitsinermik unnuisitsinermillu neqeroorutaasut iluini sunniuteqaqataaffinnik ilalersuissapput.

Ataa'ni suliarisat tassaassapput pisuttuarluni takornariarnerit, kangerlummi Kangiani angalaarnerit, qajartuarnerit aamma SUP-imik suliarisat. Ilulissat, Ataa'ta aamma Eqip akornanni

tikeraat nooqattaartinnissaannik Ataa Lodge periarfissiisaaq. Tamanna sumiiffimmi unnuisarnernik amerlanernik tunisissaq, aammalu amerlasoorsuakkaanik takornariaqarnerit pilersinnagut misigisaqarnissamik neqeroorutit amerlanerit sumiiffimmi ataasiinnarmiilersissavai. Ataa'ni suliaqarnerit Glacier Lodge Eqimit allaanerussuteqarput, Ataa'ni imartami amerlanernik suliarisinnaasaqassamat. Tamanna sermimut iigaartumut qanittuaraasumi Eqimi akuttunngitsumik ulorianarpallaartarpoq.

Aamma angallassinerit iluini namminersuutigisamittut suliaqartunik pisariaqartitsinermik Ataa Lodge annertusaassaaq, tamaanngaanniimmi piniartut tikeraanut inuutissarsiumminnik takutitaqarsinnaassapput, kiisalu angalaniartunut siulersuisuusarsinnaallutik, il.il.

Ukiuni takkuttussani Ilulissat takornarianik amerlanernik tикинneqartarnerminik attassaqarsinnaassappat pinngortitami unnuinissamut periarfissat amerlanerit pisariaqartinneqarput. World of Greenlandip Lodgenut ingerlataminut assut soqutiginnitoqartartoq misigisimavaa. Assersuutigalugu aasami qaammatini Glacier Lodge Eqi 100 %-it pallillugit ornigarneqartartuuusimavoq.

Ataa Lodgep ammasarfisaa maaejip qeqqanit septembarip naanissaanut pisassasoq naatsorsuutigineqarpoq, tamannalu Glacier Lodge Eqimut naleqqiullugu sapaatip akunnerisa arfinillit missaannik sivisunerussaaq.

Ullumikkut Lodgemik nassuaammi ilaasunik illut tamaaneereersut tamakku World of Greenlandip pigereerpai.

Ataa Lodge makku issapput

- Tikeraanut illuaqqat unnuisarfijt 20-t. Illuaqqat ataasiakkaat tamarmik marlunnik siniffeqarlutillu perusuersartarfittut illuaqqamik peqassapput
- Neriniartarfik 160 m²-nik angissusilik
- Illumi H9-mi saaffiginnittarfik
- Illu perusuersartarfilik uffartarfilillu
- Spa'rtarfik, asimi marlunnik uffarfittalik, aamma sauna atisaajartarfillu
- Illu suliaqarfissiaq
- Sulisut illuat
- Tulattarfik puttasoq
- Pisuinnaat aqquataat qisunnik sanaaq
- Nukissamik pilersuineq

0003-L03 Ataa'mut Avannaata Kommuniata kommunip pilersaarutaa malillugu ullumikkut sumiiffik imatut atugassiaavoq:

Sumiiffiit immikkut ittumik sukisaarsartarfissiat.

Sumiiffiup atornissaa sumiiffinni immikkut ittutut sukisaarsartarfissiani sunngiffimmi siunertanut atasutut illunut ingerlatsivinnullu aalajangersagaavoq. Sumiiffik sunngiffimmi atortakkanut

illuaqqanut, aasaanerani illuutinut, kiisalu takornarianik suliaqarnernut atorneqarpoq. Annikinnerusumik sumiiffiit immikkut ittutut sukissaarsartarfissiatut ilusilinni sumiiffiit pingaarnertut ilusaannik allannguiteqanngikkaangata inuutissarsiorfiit suussusaannik allanik pilersitsinissamut periarfissaqartitsipput. Tamatumunnga killilikkatut annertussusilikkanik sunngiffimi atortakkanut illuaqqanik aamma aasaanerani illuutinik nammineq inuttut atugassanik, kiisalu piniartut illuaraannik annanniartarfittullu illuaqqanik sanaartortoqarsinnaavoq. Aqquserngit/ingerlaarfissat, ataatsimoorussatut teknikkikkut pilersuinermut ingerlatsiviit sanaartorneqarsinnaapput.

Tamanna Ataa Lodgemut World of Greenlandip pilersaarutigisaanut naleqqulluartuuvoq. Taamaattori kommunip pilersaarutaani nassuiarneqartutut 60 m-inut taakkununnga illut qaninnerutilugit sanaartornissai World of Greenlandip kissaatigai.

Ataa Lodgep tunua'tunginnguani taseq tassaavoq tarajulik, pinngortitamik illersuinermut inatsimmi aalajangersakkat najoqqutaralugit illersugaasoq. Nunalerinermut, Imminut Pilorsornermut, Nukissiutinut Avatangiisinullu Naalakkersuisoqarfimmik World of Greenland oqaloqateqareersimavoq. Avatangiisini kingunerisinnaasanik nalunaarsuinissamut pisortanut attuumassutilinnut Ataa Lodge nalunaarutigineqarumaarpoq, tamannalu asimi illuaraqarfiliornernut nalinginnaalluinnartuuvoq. Ataa Lodgemit pilersaarutigisatut suliarisassat illuliassallu sumiiffimmut pinngortitamik illersuinissamut inatsimmut akerliunngillat.

World of Greenlandimik nassuaat

World of Greenland Namminersorlutik Oqartussanit 100 %-imik pigineqarpoq, Ilulissallu aallaavigalugit takornarianut angalaartitsisarnerit neqeroorutigisarpai. Angallatini angalaartitsinerit, qulimiguulinni takornariartitsinerit, pisuttuarluni takornariarnerit, qimussertitsinerit il.il. Amerlasuukkaanut arlalissuarnik aaqqissuussisarpugut – aamma umiarsuarnut takornariartaatinut.

Kalaallit Nunaanni World of Greenland tassaavoq takornariartitsinermi ingerlatseqatigiiffinni anginerpaaq, tamatigullu – sunilluunniit suliaqaraangatta – pingasunik sulissutigisaqartarpugut:

ISUMANNAALLISAANEQ – PITSAASSUSEQ – ALLANNGORIARTORTITSINEQ

ISUMANNAALLISAANEQ – isumannaallisaaneq pingarnerpavoq. Tikeraanut sulisuuusunullu. Soorunami misigisassat aamma pingaaruteqarput, kikkulli tamarmik sunik tamanik misigisaqareernermik kingornatigut isumannaatsumik angerlamut apuunnissaat pingarnerpaavoq.

PITSAASSUSEQ – Tikeraat naatsorsuutaat annertoqaat. Aningaasarpassuarnik akiliisimapput, nunarsuarmilu sumiiffipassuit tikeraartareersimavaat. Taamaattumik angalaartitsinerni pitsaassutsimik kikkut tamarmik misigisaqarnissaat pingartuuvoq. Nerisanut nerisassiassanit pitsaasunit, sulisunit pikkorissunit, ininut eqqiluitsunut il.il.

ALLANNGORIARTORTITSINEQ – Ullumikkut aqagulu pitsaasuliornerput pingaruteqaannanngilaq. Aamma appaagu ukiullu qulit qaangiunneranni pitsaasuliornissarput aamma pingartuuvoq. Ingammik nunani allani unammillerfigisagut assut allanngoriartortitsisarput. Taamaattumillu malinnaasinnaanngikkutta nioqquteqarfigisassaraluit annaassavavut. Namminersorlutik Oqartussat pigisaattut suliffeqarfittut pisussaaffigisarput tassavoq Kalaallit Nunaata tikiffissatut kivitsiviginissaa. Qeqertarsuup Tunuani ingerlatatsinnik nukittorsaanerput tassaavoq nunat tamalaani unammillerfiusumi Kalaallit Nunaannik nukittorsaaneq.

World of Greenlandip Ilulissani suliarisat allinissaat soqtigai, aammalu suliniutip piviusunngortinnissaanut aningasaateqarpoq. Ullumikkut sumiiffimmi lodget aningasaqarnerminni akilersinnaareerput, tamannalu aamma Ataa’ni taamaassaaq.

Ataa Lodgep ilusilorsornera

Lodgep qeqqani inissimasumit tulattarfikkut puttasukkut nunamut ikaartoqartassaaq. Sumiiffimmi tassani aamma saaffiginnittarfik, neriniartarfik illulu suliaqarfissiaq inissismapput. Saaffiginnittarfik illumi pisoqaanermi "H9"-mi iluarsanneqassaaq. Kujammut sineriak atuarlugu tikeraanut illuaqqat inissisorneqassapput. Tikeraanut illuaqqat saaffiginnittarfiup eqqaanut pisuinnaat aqquaannik attavilerneqassapput. Pisuinnaat aqquaasa ataanniippup erngup, innaallagissap kuuffissualiiffiullu aqquaat. Tasermiit ungasinngitsumit lodge imermik pilersugarineqassaaq. Imeq suliarineqassaaq imermut imigassamut malittarisassianik atuuttunik unioqqutitsisinnagu. Nukissamik pilersuineq nukissamit nutarterneqarsinnaasumit pissasoq anguniarneqarpoq, tamanna kuummit erngup nukinganik nukissiorfeeqqamik imaluunniit seqernup kissaanik tigooraavinnik pilersitsinakkut pisinnaalluni.

Illut nutaat tamarmik nunatami appasissumi inissismapput, qaliaqartinnagillu sananeqassallutik. Tikeraanut illuaqqat nikingallutik inissismapput, isikkuat malunnasaartitaanatik. Illuaqqat maannakkut kommunip pilersaarutaani nassuiarneqartunut 60 m-inut naleqqiullugit qaninnerullutik inissismassapput. Kangiata tungaanut, kuup illua'tungaani, spa'qarfik saunartarfillu inissinneqassapput. Tamaaniissapput asimi uffartarfiliat kiassarneqartut marluk, aamma sauna atisaajartarfissatullu periarfissat.

Kikkut tamarmik ammasumik atorsinnaasaattut piniartut illuaraat pisoqaaneq kuup eqqaaniippoq. Illuaraq ataqqineqassaaq, ullumikkullu atugaaneratut atorneqaannarsinnaassaaq. Taamatuttaaq kuup akuata qanitaani inissimasumut inuup nammineq illuaraanut atuutsitsisoqassaaq. Sanaartukkat illuaqqallu taakku akornanni ungasissutsit kommunip pilersaarutaata pigeriikkap aalajangersagai malittarissavaat.

Nunap assinga ataatsimut isiginniffissaq, aamma Ataa Lodgemik ilusilersuineq sumiiffimmuit isigisassatut ataatsimut isiginniffissiivoq.



Ataa'nut aamma Ilulissat eqqaannut ataatsimut isiginniffissatut nunap assinga



Ataa Lodge'mut nunap assinga ataatsimut isiginniffissiaq



Immikkuualuttlukkatut nunap assinga 1 – Ataa Lodgemik kissaatigisatut ilusilersuineq

Immikkuualuttlukkatut nunap assinga 1 – Aneerasaartarfik isikkivigissoq, aamma akimarpasissutut tikeraat illuaraat

Tamatigoortumik atortussanut nassuaatit

Toqqaviit

Qisuit suakaat aanaveersakkat qaarsumut toqqammavilikat.

Silataanni ikkat

Sallilikkanik qallikkat, qernertumik qillarissuunngitsumik qalipatat.

Qaliat

Qalissiat – imaluunniit qaliaq sisak qernertoq, kiffiusersukkatut qaliaq quassuttuligaj, taamaattorlitikeraat illuini kiffiusersugaanatik.

Naqqup sananeqaataa

Naqqumut sallilikkat/naqqup qallersugaanera qisunni sukani sallilikkat qaleriaarlugit sananeqaatilik.

Aneerasaartarfik pisuinnaallu aqqutaat

Aneerasaartarfimmi sallilikkat, sallilikkat qaleriaarlugit sananeqaatillit. Pisuinnaat aqqutaat 1,5 minik silissusilerlugit sananeqassapput.

Igalaat

Igalaamernit akimut ersittut, taartunik sinaakkutillit.

Najoqqutaq

Illut Kalaallit Nunaanni naatsorsuisarnermut malittarisassat atuuttut malillugit angissusilerneqassapput.

Kiassarneq

Tikeraat illuni kiassaatinit innaallagiatorunit mikinernit kallerup inneranik kiassaaneq, imaluunniit illuni anginerisuni silaannarmut silaannarmut kiassaatinit, varmepumpinit kiassaaneq.

Kiffiusersuinerit

Sanaartornermut malittarisassiami piumasaqaatit atuuttut malillugit illut nutaat kiffiusersorneqassapput. Taamaattorli tikeraat illui pinnagit, taakku silataanni iikkat qisummik krydslaminerikkamik 5 cm-imik sananeqaateqassallutik.

Silaannarissaaneq

Illuaqqani pissusissamisoortumik silaannarissaaneq. Inini ataatsimoorfinni, igaffinni, uffarfinni perusersartarfinnilu mekaniskimik silaannarissaaneq.

Kuuffiit/kuuffissualiineq

Imeq iginneqartartoq anartarfinnillu kuutsinneqartartoq pingasoqiusatut immikkoortitami komposteringstankimi ataatsimoorussami katersorneqartarpoq, tassanngaanniillu kangerlummut ruujorit aqqutaatigut imeq iginneqartartoq kuutsinneqassaaq.

Imermik pilersuineq

Tasermit pilersuisoqassaaq, imeq tassanngaanneersoq malittarisassiat atuuttut malillugit nammineq saliisarfittut ingerlatsivimmi salinnejartassalluni.

Nukissiorneq

Lodge seqernup kissaanik katersivinnit, batteribankimit aamma sarfaliuummit sillimmataasumit nukissamik pilersorneqassaaq. Kuummit qanittumiittumit erngup nukinganik nukissiorfeeqqamik sanaartornissamut periarfissaqarnersoq misissorneqarpoq.

Sanaartorfissap ilusilersugaanera

Illuaqqanut ataasiakkaanut tamanut sumiiffimmi killilikkami piffissami sivikitsumi sanaartornermut atortussat inissisorneqarsinnaassapput. Illuaqqat modulikkaatut sanaartugaanissaat siunniunneqarpoq, illup ilai ataasiakkaat umiarsuakkut tamaannga assartorneqassallutik.

Illunik nassuaatit

Tikeraat illuaraat



Tikeraat illuaraannik takussutissialiaq

Illuaqqani ataasiakkaani tamani inuit marluk unnuinissaannut periarfissaqarpoq. Illuaqqanut ataasiakkaanut tamanut atasunik illuaraqarpoq perusuersartarfimmik.

Illuaqqat silataasa angissuseraat 3 m x 4,6 m. Toqqavimmit qummut 3 m-inik portussuseqarput.

Illuaqqat kiassaammit innaallagiartortumit kiassarneqarput.

Silataanni iikkat kiffiusorsorneqassanngillat, 5 cm-imilli silitsigisumik qisummik krydslaminerikkamik ilusilimmik sananeqaateqassapput.


Illuaqqat sukanut inissiffissiani qaarsortamut sukami aanaveersakkami toqqammaviligaassapput.

Illuaqqat isuata illuaniippoq igalaartaq angisooq, pingasunik qaleriilimmik igalaaminertalik.

Illuaraq isuata aappaata iigaatigut pissusissamisoortumik silaannarissarneqassaaq.

Tikeraat illuaraat eqimattutut inissismassapput, naammattumik inuit kisimiissinnaaffiannik tunisisumik ungasissuseqassallutik, taamaalisukkulli ikuallattoornissamut piumasaqaatinik atuuttunik unioqqutitsissanatik.


Illuaqqat takussutissiarineqartutut sisammik qalialerlugin qernertumik qillarissuunngitsumik qalipallugit sananeqassapput. Taamaallaat perusuersartarfittut illumi imeq kuuffissualiinerlu aqutissiorneqarput. Perusuersartarfittut illu sumiiffiup qeqqani septiktankimut attavilikamik kuutsittakkamik anartarfilerlugin iluarsaaneqassapput.







Tikeraat illuannut najoqquassatut titartagaq



Perusuersartarfittut illuaqqamut takussutissiaq



Tikeraat illuannik sanaartornissamut tunngavigisassiaq



Tikeraat illuisa isui iigaallu

Saaffiginnittarfik

Lodgep saaffiginnittarfia illumi pisoqaanerusumi "H9"-mi iluarsaaneqassaaq. Illu pisoqaaneq taanna iluarsaaneqassaaq, ullumikkulli ilusaa, qanoq issusia qalipaataalu attatiinnarneqassapput. Ilua saaffiginnittarfittut, loungetut (isersimaartarfittut), pisattanik katersuiffittut initut, kiisalu kiffartuussinermi atortorissaarutinut allanut iluarsartuunneqassaaq.



Illup saaffiginnittarfiaup assinga

Neriniartarfik

Lodgep neriniartarfia illumi nutaami ilusilersorneqassaaq. Taanna tikeraat illuannut assingutillugu sananeqassaaq. Neriniartarfik qisunnik sananeqaateqassaaq, qernertumik qillarissuunngitsumik qalipanneqassalluni, Ataa'talu ikerata tungaanut igalaaqassaaq isikkivissianik.

Ilлу qaliaqartinnagu sananeqassaaq. Ilusilersugaanerata kiffiusorsorneratalu tamatigoortutut atortussanut nassuaatit malittarissavai.

Neriniartarfiup illutaa imaassaaq:


- Neriniartarfik 100 m²
- Perusuersartarfiiut marluk
- Igaffik amerlasuunut iggaviusoq
- Sulisut inaat
- Nillataartitassanut qerititassanullu ini
- Toqqorsivik
- Toqqammavigisatut nunataq tamakkiisoq 160 m²

Spa'qarfik

Illup saaffiginnittarfiup kangia'tungaani nuummi spa'qarfik inissinneqassaaq. Spa'qarfik atisaajartarfilikkatut, kiisalu marlunniq saunartalikkatut, asimilu uffartarfinnik kiassakkanik marlunniq pilerlugu iluarsartuunneqassaaq. Saunamik atisaajartarfimmillu sananeqaataasut tikeraat illui assingalugit issapput. Illuaqqat aamma spa qaarsortamissaaq toqqaviligaassapput.



Saunamut illumik takussutissiaq, illup ilua




Saunamut illumik takussutissiaq, illup silataa



Asimi uffartarfimmut takussutissiaq

Illu suliaqarfissiaq

Tamaani illumi sungaartoq-aappalaartumik qalipaatilimmi illu suliaqarfissiaq, kiisalu imartami pisartunut toqqorsivik ilusilersorneqassaaq. Illup iigartai qallersorneqassapput, lodgemi illuaqqat sinnerisut isikkoqalersillugu qalipanneqassalluni. Ikkat silataanniittut qernertumik qalipallugit, qernertumillu sisammik qalialerlugu. Kujataa'tungaanut ikkat igalaartallit allineqassapput, illup ilua sapinngisamik annertunerpaamik qaamaneqarfigitinniarlugu, aammalu Ataa'ta ikeranut pingortitamut alutornartorsuarmut isikkeqarfierniarlugu.



Illup tamaaneereersup assinga

Sulisut illuat


Illumi tamaaneereersumi sulisunut illu iluarsanneqassaaq. Illup iigartai qallersorneqassapput, lodgemi illuaqqat sinnerisut isikkoqalersillugu qalipanneqassalluni. Illumiissapput sinittarfiiit sisamat tikillugit, perusuersartarfik inilu isersimaartarfik.



Illup tamaaneereersup assinga

Illu teknikkeqarfik


Illumi tamaaneereersumi imermik nukissamillu pilersuinissamut illu teknikkeqarfik iluarsartuunneqassaaq. Illumiissapput ini imermik salisarfik, aamma ini batteribankimut nukissamillu aqutsinermut atugassaaq. Illup iigartai qallersorneqassapput, lodgemi illuaqqat sinnerisut isikkoqalersillugu qalipanneqassalluni.



Illup tamaaneereersup assinga

Illu uffartarfik

Illutut uffartarfittut atortussamik nutaamik illuliortoqassaaq. Illumi uffartarfiit immikkoortut sisamat iluarsartuunneqassapput. Illu qisummik sananeqaateqassaaq, qernertumik qillertuunngitsumik qalipanneqassaaq, sisammillu qalialersorneqassalluni. Ilusilorsornerata kiffiusorsorneratalu tamatigoortutut atortussanut nassuaataasut malissavai.



Illu uffartarfilik, illup isui, iigartai najoqqutassiarlu

Piujuartitsineq

Nukissamik pilersuineq

Ataa Lodgemi nukissiorneq seqernup kissaanik katersivinnik batteribankitalimmik, ajornanngippallu Lodge atuarlugu kuummi inissisimasumit erngup nukinganik nukissiorfeeqqamit tunngaveqartinneqassaaq.

Nukissiornermik naoqqutanit nutarsarneqarsinnaasunik nukissiorneq naammassanngippat sarfaliuummit sillammatisatut sarfalersuisoqarsinnaassaaq. Nukissiorneq nutarsarneqarsinnaasoq sapisngisamik annertunerpaaq iluarsiissutini kisiartaasutut eqqortuusoq isumaqarfigaarpuit, tassalu asimi takornariartitsinermut attuumassutilinnik suliniutinik suliaqarnerni. Pinngortitap innarligaannginnissaa, taamaatsiinnarlugu attanneqartinnissaa pingaartuuvoq, taamaalillutik kikkut tamarmik nunatsinni pinngortitamik inuup suliaanit iliuuseqarfingisamik misigisaqarsinnaassammata. Aasap qaammataani nukissamik pisariaqartitsineq seqerngup nukinganik 100 %-ingajannik matussusersinnaanera misilittagaqarfigaarpuit.

Imermik pilersuineq

Ataa Lodgemi imermik pilersuineq tasermiit ungasittuunngitsumit pissaaq, imerlu tigussaasukkut sorajuiaatikkut aamma UV-mik qaamanermik salinnejassaaq. Imeq nersutit nakorsaasa nakkutilliisoqarfiannit akuerineqassaaq, ukiumoortumillu SANA-mi imermut labororiamit misissorneqartassalluni. Ataa Lodge tasermiit ungasinngitsumit pisariunngitsumik pilersugarineqarsinnaassaaq, taserlu imaqqortoqimmat tasermik paqqertitsinissaanik tunngavissiissanngilaq.

Imeq iginneqartartoq

Imeq iginneqartartoq tamarmi pingasoqiusatut immikkoortitikkami komposteringstankimi katersorneqassaaq, tassanngaanniillu kangerlummut kuuffissualiiffik aqqutigalugu imeq iginneqartartoq kuutsinneqartassaaq. Silap anorillu pissutsimikkut atorsaaneranni tanki akuttoqatigiissaartumik imaarneqartassaaq. Taanna sumiiffimmi tikeraanut tiperrusatsitsinngilaq, pinngortitamullu annikinnerpaamik artukkiisuuvooq. Aniatitsineq tamakkiisoq imartami avatangiisiniq sunniissanngitsoq nalilersuutaavoq, aniatitamut naleqqiullugit erngup annertussusaat annertuupilussuunerit pissutigalugit.

Eqqakkanik isumaginninnerit

Eqqagassat tamarmik – ikuallanneqarsinnaasut aamma ikuallanneqarsinnaanngitsut – ketersorlugillu Ilulissani eqqakkanik isumaginnittarfiliallugin assartorneqassapput. Siunissamut tunngatillugu WoG eqqagaatiminik isumaginnittarnini pitsaanerpaanngortinniarsariuarpa, Ataa Lodgemilu anguniagaraa eqqakkat atoqqinneqarsinnaanngitsut amerlassusaasa ikilisarnissaat. Ikuallatassanut toqqortassanullu annertussutsinik ikilisaanissamik suliaqarnitsinnik tamanna isumaqarpooq, taamaaliornitsigut atugarineqaqqitassatut eqqakkat amerlisarniaratsigit. Eqqagassat ikinnerusut tungaannut sulissuteqarnissaq WoG-imut pingaarutilittut naoqquaavoq.

Illut eriagisariallit

Illuni tamaaneereersuni arlaannaallunniit eriagisassatut ittuunngilaq. Ataa Lodgep kujataaniippoq iliveqarfik, kiisalu inuit toqusunik ilisisarfigisimasaat. Taakku tamaani sanaartorlunilu suliaqarnernut naleqqiullugit sanaartorfigineqassanngillat ataqqinneqassappullu.

Qullilersuinerit allagartalersuinerillu

Ajornaatsunik allagartalersuutit, tikeraanik suliaqarfigisassanut illuaqqanullu assigiinngitsunut tamakkununnga innersuussisut ivertinneqassapput. Tamakku saniatigut allagartanik ivertitsisoqassanngitsoq naatsorsuutigineqarpoq.

Sapinngisamik pitsaanerpaamik pinngortitamik misigisaqtitsiniarluni, aammalu sumiiffiusumi qaamaneqarpallaartitsinermik pilersitsiniarani qullilersuinerit sallaallisagaassapput.

Piffissalersuut

Ataa Lodgemi sanaartornissaanut piffissalersuut	2023				2024			
	K1	K2	K3	K4	K1	K2	K3	K4
Pisortanit suliaqarnerit – Akuersissuteqarnerit – Nunaminertanik atugassiinerit – Sanaartornissamut akuersissuteqarnerit	x							
Tikeraanut illuaqqanik sanaartornerit		x	x					
Neriniartarfiliorneq			x	x				
Lodgep sumiiffittaani VVS aamma innaallagiaq			x					
Illumik saaffiginnittarfimmik, illumik suliaqarfissiamik, illumik teknikkeqarfimmik sulisullu illuannik iluarsaassinerit		x	x					
Pisuinnaat aqquaannik, aamma kuuk ikaarlugu ikaartarfimmik sanaartornerit		x	x					
Spa'qarfiliorneq			x					
Ammaanersiorneq						x		